

Årsmelding

Trygve Bjerkrheims venner (TBV) for 2017

12. ARBEIDSÅR

I fjor starta vi TBV-årsmeldinga med å melde om historisk sus over arbeidsåret 2016. Då reiste vi minnesteinen over Trygve Bjerkrheim (TB) i den første heimbygda hans, Bjerkreim i Rogaland, og hadde ein minnerik avdukingsfest søndag 30.oktober.

Også i 2017 kan vi skrive om historisk sus. Dette året kjem "susen" av arbeidet med den lenge etterlengta TB-songboka. Arbeidet med å få over 400 songar med melodiar samla mellom to permar, var nære på fullført før vi gjekk inn i 2018. No veit vi at boka kjem ut i løpet av første halvpart av 2018. Vi kjenner så absolutt på at vi med dette arbeidet er i pakt med føremålet i TBV sine vedtekter, der det heiter at - "Foreningens målsetting er å verne om og vedlikeholde den åndelige arv som Trygve Bjerkrheim etterlot seg,"... og ... "å holde Trygve Bjerkrheims diktning og forfatterskap aktuelt og fremme utgivelse og spredning av hans litterære produksjon, herunder salmer og sanger,...".

"Arbeidskomiteen for TB-songboka" – Ragnar Dirdal, Harald Myklebust, Arnt Thyve og Kåre Ekroll, har fått store fullmakter av styret til å fullføre arbeidet med boka. Mange hjelparar har vore i sving. Vilhelm Gravdal har heile tida vore prosjektet sin trufaste sekretær.

Vi har heile tida vore klar over at dette arbeidet både var tidkrevjande, og at det ville koste. Vi er derfor svært glade for at vi på nyttåret -17, fekk ei større gåve til dette arbeidet. Det har gitt oss tru for at vi kunne halde fram og fullføre arbeidet, utan å hefte oss med tidkrevjande innsamlingsarbeid. I dag når vi ser enden av arbeidet, og etter at det er vurdert heile 1070 ulike tekstar med notar og om lag 1560

ulike melodiar, ser vi endå tydelegare kor stor takk vi skuldar givarane til den store gåva til dette arbeidet – heile kr. 200.000,-!

Vi trur at TB sine mange songar – med nye og gamle melodiar, enno har ei Gud-gitt oppgåve mellom folket vårt – både når det gjeld Bjerkrheim si varme formidling av evangeliet og evna hans til å fremje det kristne livet i tru og haldning, også for ein ny generasjon - i mange år framover!

Vi har tru på at dette er ei bok som vil vere verdfull og aktuell for heile det kristne Norge.

Vi har alt starta med å planleggje eit større opplegg rundt lanseringa av songboka.

ÅRSMØTET 2017

Årsmøtet 2017 blei for første gong halde i Salem, Bergen. Årsmøtet starta kl. 16.00 med påfølgjande servering.

Styret la fram årsmelding, rekneskap og med revisjonsmelding. Årsrekneskapen viste eit underskot på kr. 79.067,-. Både årsmeldinga og rekneskapen blei godkjende utan merknader.

Etter valet, fekk styret følgjande samansetning:

Formann: Kåre Ekroll sa seg villig til å stille som formann for endå eitt år og blei vald ved akklamasjon.

Styremedlemmer: Desse blei valde (alfabetisk): Sigrud Karine Belt – gjenal, Ragnar Dirdal – gjenal, Anne Grethe Kviserud, gjenal. I 2017 har desse vore i styret: Kåre Ekroll (formann), Ragnar Dirdal (nestformann), Norveig Eikeland (sekretær), Anne Grethe Kviserud (forretningsfører), Harald Myklebust og Arnt Thyve. Vararepresentantar: Tollef Bjerkreim og Aud Jorunn Birkedal Aas

Val av revisor: Oddvar Bø, gjenal - med Juel Østereng som vara.

Valnemnd: Finn Kjerpeseth, Ålgård, og Kjell Aardal, Bjerkreim.

FRÅ SAMTALEN

Harald Myklebust og Ragnar Dirdal orienterte om arbeidet med «TB-Songboka» - og sterkt understreka kor verdfullt det er for den kristne songen, at boka snart vil vere klar. Oddvar Rotvik vart inspirert av innlegga frå dei to, og gav uttrykk for glede både over boka, den store gåva for å arbeide den fram (ei einskildgave på kr. 200.000,-), og for så mange nye medlemmer i TBV.

KONSERTAR

Også dette året har TBV arrangert ei rekkje konsertar. I samband med årsmøtet var det også TB-konsert i Salem – der Arne Pareli, Sigrud Karine Belt, Nancy Karine Eikeland Sangolt og Harald Myklebust stod for songen og musikken, medan Kåre Ekroll kåserte om TB sitt liv og forfatterskap. Kåre Ekroll har elles vore med på konsertar på Høybråten, Oslo, 2. februar og Knapstad, Hobøl, 7. mai. Han hadde også ei TB-samling i Sinsen kyrkje, Oslo, 2. mai.

Ragnar Dirdal og Kåre Ekroll arrangerte også konsertar på Fredheim, Hinna, 22. oktober og på Ålgård be-dehus 12. november.

Mellom dei som elles deltok på arrangementa med song/musikk, nemner vi følgjande: Hildegunn Saunes Botnen, Grete Olsen, Adelheid Hasenknopf, Odd Kristiansen, Leiv Kåre Aambø, Per Phillip Løkken, Sølvi Olimb, Tove og Einar Bondevik, Bethi Dirdal Jåtun, Unni Hjorthaug, sanggruppa Fredliners, Lars Johan Frøyland, Randi Frøyland, Ingeborg Svenseid, Ida Celine Dirdal, Caroline Dirdal Finn Kjerpeseth og Ragnar Dirdal.



Minnestøtta av Trygve Bjerkrheim – reist like ved heimen hans i Bjerkreim, vart avduka 30. oktober 2016. TB-relieffet er laga av Pamela Cranner, Riska. Sjelve steinen har Johan Bjerkreim henta i grunnen til TB sin barndomsheim. Det var også Johan som reiste steinen, fundamenterte han og slik gav minnestøtta ei vakker ramme.

Foto: Kåre Ekroll

Det var til dels svært godt oppmøte og god stemning på desse TB-arrangementa!

NYE MEDLEMMER

Ved dei fleste TB-samlingane har vi både fått kollekten til TBV og teikna nye medlemmer.

Til saman har vi fått 38 nye medlemmer i 2017 (142 i 2016). Ved årsskiftet 2017/18 hadde TBV då 1031 medlemmer.

HEIMESIDA - www.bjerkrheim.no

Heimesida har dette året vore operert av Bjørnar Lianes. Nettsida blir elles brukt til å kunngjere arrangement og andre aktualitetar frå TBV, men her er plass til meir aktuelt TB-stoff.

TRYGVE BJERKRHEIMS GAVEFOND (TBG) I LUNDE FORLAG

aldo pr. 01.01.2017 kr. 276.698,70

Overført frå TONO Kr.15.096,38
Overført frå Norsk Musikkforlag kr. 1.316,-
Overført til Lunde Forlag kr. 0,-
Tilførte renter kr. 1,-

Saldo pr. 31.12.2017 kr. 293.112,0

MEDLEMSBLADET

Medlemsbladet "Ei helsing frå TBV" kom ut med eitt nytt nummer i 2017 (den 12. utgåva totalt). I forkant av årsmøtet blei bladet, med innkalling, giro for medlemskontingent og årsmøteinnkalling, sendt til foreininga sine medlemmer.

ØKONOMIEN

TBV fekk ein økonomisk god start gjennom eit eigenkapitalinnskott på kr. 50.000. Gjennom fleire positive årsresultat har eigenkapitalen stadig styrka seg. Det er inga målsetting å

skape ein større eigenkapital kvart einaste år. Dei to siste åra har vi derfor brukt meir enn som har come inn. Ved utgangen av 2017 er egenkapitalen på kr. 273.502,-, etter eit overskot på kr. 58.162,-. Den største inntektskjelda er medlemskontingenten, som også i år viser ein god auke. Arbeidet med å samle TB-tekstar og melodiar for å utgi ei ny songbok vil framleis krevje at TBV har evne til å betale det eit slikt prosjekt vil koste. Lunde Forlag som vil gi ut boka, tek berre trykkekostnadene. Alle kostnader med å arbeide fram boka, må derfor TBV bere fullt ut. Vi vonar derfor at medlemmene framleis vil stå med oss, og slik vere med å fullføre dette viktige prosjektet.

STIPENDORDNING

Styret har annonsert at dei gjerne ser at arkivsaminga etter Trygve Bjerkrheim blir meir brukt, og at vi gjerne vil gi økonomisk støtte til arbeid som er med og løfter fram den rike litterære arven etter Bjerkrheim.

STYRET

har hatt tre styremøte og handsama 16 saker. Innimellom har "Arbeidskomiteen for TB-songboka" hatt fleire fellesmøte og andre samlingar med ymse fagfolk for å fullføre songboka.

Februar 2018

I styret for Trygve Bjerkrheims venner

Kåre Ekroll, formann
Ragnar Dirdal
Sigrud Karine Belt
Anne Grethe Kviserud
Norveig Eikeland
Harald Myklebust
Arnt Thyve